

太上黃籙齋儀卷之四十七

王十三

唐廣成先生杜光庭集
人臣為國五段懺悔

十方

臣等至心皈命十方无極太上靈寶天尊已
得道大聖眾至真諸君丈人十鄉神仙諸靈
官三禮各虔誠懺悔

臣等伏聞十極諸天三千道域環拱太虛之
內包羅三界之庭運妙化於上玄灑靈恩於
下土洪惟景福乎祐邦家今謹有奉修黃籙
大齋某官上為

皇帝按依玄格敷列皇壇請福希恩修齋行
道謹齋香花龍綵質信效心皈命
十方元極太上靈寶天尊已得道大聖眾至
真諸君丈人十鄉神仙諸靈官今故立齋燒

香然燈朗耀諸天願以是功德歸流社稷尊
靈宗祀先聖九光鶴蓋登三境以逍遙八羽
龍軒遊十天而放曠洪流巨福審祐
聖圖

皇帝體道凝旒儀乾布化御飛龍而撫物獄

固宏基執大象以承天山齊聖壽后妃嬪主
柔替帝讓太子諸王孝扶宸極公卿文武中
外職寮暢和平道德之風成禮樂雍熙之理
時調玉燭歲稔瓊儲百揆有倫五兵常戢龍
神警衛疫毒銷沉四靈效瑞以來儀七正循
常而合度洎諸幽顯普及飛潛咸承撫御之
仁並契華胥之俗得道之後昇入无形和與
道合真

三光

臣等至心皈命日月星宮至真大聖三光神
仙諸靈官三禮各虔誠懺謝

臣等伏聞天地分靈陰陽構象顯日月星辰
之位定昏明隱見之殊七政三官九執死生
之要文昌斗極仍司罪福之權宜齋修崇以
資邦國今謹有奉修黃籙大齋某官上為

皇帝齋持法信敷列壇場請福希恩修齋行
道皈命

日月星宮至真大聖三光神仙諸靈官今故
立齋燒香然燈朗耀諸天願以是功德歸流
社稷尊靈宗祀先聖靈幢羽林超昇南極之

宮證道冲真遊宴上清之境潛胎巨貺手祐
皇基

皇帝履魄齊壽玄極薦壽御帝車而布政權
豬軸以調時皇后嬪妃耀貞規於女使諸王
太子潛靈泓於星津宰輔忠貞藩垣輯睦永
熙百度以泰萬方賓聲教以駿奔奉琛琦而
膺至三光有序五緯無愆歲叶豐登俗臻康
樂飛沉動植含識有情普及幽明同昇壽域
得道之後昇入无形和與道合真

五嶽

臣等至心皈命五嶽真君飛仙真人名山洞
府得道神仙諸靈官三禮各虔誠懺悔

臣等伏聞混沌既開群嶽嶽形捧碧落以上
征壁黃輿而下鎮大則長離廣野舍海外之
煙霞次則衡華云亭總寰中之秀異神仙所
宅邦國是依式陳焚祝之儀以廣休明之福
今謹有奉修黃籙大齋某官上為

皇帝齋持法信敷列壇場請福希恩修齋行
道皈命

五嶽真君飛仙真人名山洞府得道神仙諸

靈官今故立齋燒香然燈玄耀諸天願以是功德歸流社稷尊靈宗桃先聖超七域階修之果證三天飛舉之功登神流火之庭御景明霞之殿永隆鴻福欽贊龍圖

皇帝五嶽齊寧三山比壽明堯天之日月關

禹跡之封疆儉德邁於焚裘仁煦逾於解網后妃墳御匪異紫宸太子諸王敷弘景化公卿輔弼宣至道以無為億兆華表樂太平而遂性天光澄正地紀竟開九稼惟豐五兵常

戰幽為夜府異品殊倫咸承妙道之慈盡契長生之域得道之後昇入元形和與道合真

水府

臣等至心皈命扶桑大帝賜谷神王三河四海九江水帝十二河源水府神仙諸靈官三

禮各虔誠懺謝

臣等伏聞體道資靈寔惟水德稟元陽而化育普及群形首一炁以生成旁周品物至有九溟八海壯浮天沃日之威片葉纖莖荷潤澤靈榮之賜玄功妙力以福邦家今謹有奉修黃籙大齋共官上為

皇帝按依玄式敷啓皇壇請福希恩修齋行道皈命
扶桑大帝賜谷神王三河四海九江水帝十二河源水府神仙諸靈官今故立齋燒香然燈朗耀諸天願以是功德歸流社稷尊靈宗桃先聖神遊汗漫道契希夷受秘訣於玄洲得神珠於赤水
皇帝滄波注福碧海均年群方歡浩蕩之恩萬國順朝宗之沐后妃嬪主敷膺渥於瓊宮太子諸王潛濟源於銀漢公卿輔弼文武職察中沃心潤色之規廣瑞穆隆清之化九河薦策溫洛彰圖天地劫祥黎元蒙福旁該庶品遐及幽津共臻道德之風常荷安貞之既得道之後昇入元形和與道合真

經寶

臣等至心皈命

至真元上三十六部尊經真文寶符三禮各虔誠懺謝

臣等伏聞無為道本虛寂真宗妙願無言希微詎測爰啓博弘之教以宣祕奧之功於是

八會靈書九芒雲篆龍迴鳳舞初擬太漢之中玉剖瓊篇遠刻層臺之內三十六部之廣億千萬品之多理暢重玄義包衆妙人天宗奉邦國運行光帝道而贊

皇圖散九流而康萬宇宜虔專奉以罄齋誠本謹有奉修黃籙大齋共官上為

皇帝按依科式崇設壇場請福希恩修齋行道皈命

至真元上三十六部尊經真文寶符諸天秘藏十方正法侍衛經典一切靈司今故立齋燒香然燈朗耀諸天願以是功德歸流社稷尊靈宗桃先聖參真紫極統景洪都垂祐本枝統祥萬葉

皇帝通真契道地久天長統萬國而混車書

洽大同而寧海嶽后妃嬪主享福紫庭太子諸王承休皇極忠貞勳烈常勤翊贊之謀德兆生靈克保隆平之運天元順軌觀景星瑞日之暉地紀安貞符九稼八蕪之異幽明共泰動植咸安海外寰中同臻道化得道之後

臣等伏聞無為道本虛寂真宗妙願無言希微詎測爰啓博弘之教以宣祕奧之功於是

臣等伏聞無為道本虛寂真宗妙願無言希微詎測爰啓博弘之教以宣祕奧之功於是

昇入无形和與道合真

太上黃籙齋儀卷之四十七

太上黃籙齋儀卷之四十八

唐廣成先生杜光庭集

王古

解考懺方

和懺

臣等今故燒香歸身歸神歸命奉為某乙奉

依解考明科修齋行道懺謝三十六世以來

億曾萬祖爰及亡靈眷屬親緣歷世所行無

違之罪上犯諸天大聖大道衆尊三光五行

虛空主宰風雲雷雨天道神明下犯五嶽諸

山三十六地丘陵水府地下職司中犯八卦

九宮陰陽官屬古今靈聖前代賢明違背五

常犯千四大名書罪簡禍結幽關天奪年齡

不終天昇身歿之後留滯地司拘對窮魂幽

閉重檻諸苦徧歷衆考備經往返三塗流曳

五道楚毒誦役毀悴雜任累答纏綿終天無

解今依靈仙品格懺罪希恩燒香然燈修齋

行道皈命

十方无極太上靈寶天尊已得道大聖衆至

真諸君丈人十鄉神仙諸靈官伏冀

太上三尊諸天大聖開大慈之澤降罔極之

恩勅飛天神人齋九龍符命告下十方世界

考官地獄之中赦積世以來無邊之罪開九

幽地獄出長夜之魂沐浴朱陵之庭冠帶洞

陽之府生神福界流貺子孫吉祐常臻存亡

咸蒙上資國祚芳及群生俱冥玄下永登真

品得道之後昇入无形和與道合真

東方

臣等今故燒香歸身歸神歸命奉為某乙奉

修解考大齋轉經行道皈命

東方无極太上靈寶天尊九炁天君東鄉神

仙諸靈官懺悔某乙三十六世以來億曾萬

祖爰及亡靈眷屬親緣積世所行無邊之罪

或行乖慈育不惠不仁或違背師君不忠不

孝毀傷良善干冒神明違越五常終行諸惡

魔構呪詛殺害無辜考重殃深未蒙原解魂

神執繫在木官東獄刑拷獄中受劔謝刀山

風雷之苦晝夜考掠痛毒難任往訟子孫殃

流後裔冥冥長夜解拔無由以今懺謝乞恩

修齋行道伏冀

大慈哀宥